

駱

臨

海

集

駱臨海集卷第五

唐駱賓王著

同里後學陳熙平校訂

松林後裔祖攀校訂

疇昔篇

杜預左傳宣公二年注疇昔猶前日也楊慎曰詩云知而不知誰昔然矣爾雅釋之曰誰

昔昔也猶言疇昔也疇亦誰也然則誰昔也疇昔也伊昔也一也案臨海生平行蹟畧見於此篇當作於出獄之後未除臨海丞時也

少年重英俠弱歲賤衣冠既託寰中賞方承膝下歡遨遊

瀟陵曲風月洛城端且知無玉饌誰肯逐金丸

張正見長安有狹邪

行少年重遊俠長安有狹邪楊縉俠客控絕影詩游俠英名馳上國人馬意氣俱相得孫萬壽贈京邑知友詩昔時

遊帝里弱歲逢知己賤衣冠謂輕禮法之士也舊書文苑傳駱賓王少善屬文然落魄無行好與博徒遊固不羈之士也陸德明穀梁傳釋文寰中畿內也謝朓酬德賦悟寰中之迫脅欲輕舉而舍旃孝經故親生之膝下以養父母日嚴唐乎宗注親猶愛也膝下謂孩幼之時也言親愛之心生於孩幼比及年長漸識義方則日加尊嚴能致敬於父母也司馬光指解親父母也膝下謂孩幼嬉戲於父母之膝下也傳咸申懷賦盡烏烏之至情竭歡敬於膝下元和郡縣志關內道京兆府萬年縣白鹿原在縣東二十里亦謂之霸上漢文帝葬其上謂之霸陵劉峻江州還入石頭城詩洛城何鬱鬱杳與雲霄半左思吳都賦競其區宇則并疆兼巷矜其宴居則珠服玉饌西京雜記韓嫣好彈常以金爲丸所失者日有十餘長安爲之語曰苦飢寒逐金丸京師兒童每聞嫣出彈輒隨之望丸之所落輒拾焉臨海與博昌父老書曰昔吾先君出宰斯邑上裴侍郎書曰少遭不造老母在堂上兗州崔長史啓曰少奉過庭之訓長趨克已之方上兗州張司馬啓曰雖則放曠林泉頗得閑居之趣而乃寂寞蓬戶惟深色養之憂上取邱韋明府啓曰糟糠不贍甘旨之養屢空簞食無資朝夕之歡甯展盡早喪父奉母居於兗州嗣赴帝鄉未虛子職此篇甯

稱膝下深情篤
行千載如見

金九玉饌盛繁華自言輕侮季倫家九陌

爭馳千里馬三條競驚七香車掩映飛軒乘落照參差步

障引朝霞池中舊水如懸鏡屋裏新粧不讓花

九陌一作五霸非也

如懸鏡一作涵明月。方言侮賤稱也秦晉之閒罵奴婢

曰侮郭璞注言爲人所輕弄晉書石崇傳崇字季倫穎悟

有才氣而任俠無行檢鎮下邳與徐州刺史高誕爭酒相

侮免官復拜衛尉與潘岳詔事賈誼號曰二十四友張正見

怨詩還疑蕭史鳳不及季倫家九陌三條俱見帝京篇燕

策郭隗先生曰臣聞古之君人有以千金求千里馬者三

年不能得古文苑曹公與楊太尉書謹贈足下錦裘二領

八節角桃杖一枝官絹五百匹錢六十萬四望通幰七香

車一乘章樵注說文幰車幔也以七種香木爲車梁簡文

帝鳥棲曲青牛丹轂七香車可憐今夜宿倡家曹植七啓

飛軒電逝獸隨輪轉晉書石崇傳崇與貴戚王愷羊琇之

徒以奢靡相尚愷以柏沃釜崇以蠟代薪愷作紫絲步障

四十里崇作錦步障五十里以敵之庾信意氣風雲倏如

春賦池中水影懸勝鏡屋裏衣香不如花

昨歲月春秋屢迴薄上苑頻經柳絮飛中園幾見梅花落

當時門客今何在疇昔交朋已疎索莫教憔悴損容儀會

得高秋雲霧廓

歲月春秋一作歲去年來見一作番朋一作遊○孫萬壽貽京邑知友詩夢想猶如

昨尋思久寂寥潘岳秋興賦四時忽其代序兮萬物紛以

迴薄李善注鵬鳥賦曰萬物迴薄三輔黃圖漢舊儀云上

林苑方三百里苑中養百獸帝初修上林苑羣臣遠方各

獻名果異卉三千餘種植其中初學記果木部神農本草

經曰柳花一名柳絮謝靈運田南樹園激流植援詩中園

屏氛雜清曠招遠風鮑照有梅花落詩史記汲鄭列傳汲

黯性倨少禮然好學游俠任氣節鄭莊誠門下客至無貴

賤無畱門者執賓主之禮以其貴下人此兩人中廢家貧

賓客益落太史公曰夫以汲黯之賢有勢則賓客十倍無

勢則否況衆人乎疎索見豔情篇左傳成公元年雖有姬

姜無棄焦萃杜預注蕉萃陋賤之人楚辭漁父顏色憔悴

王逸注肝微黑也說文九篇醺面焦枯小也預頗類也廣

雅釋詁醺悴憂也並音義同沈約三月三日率爾成篇愛

而不可見宿昔減容儀廣雅釋詁損減也隋書楊素傳霧

廣雲除冰
渭瓦解

淹畱坐帝鄉無事積炎涼一朝被短褐六載奉

長廊賦文慙昔馬執戟幕前揚揮戈出武帳荷筆入文昌

積一作度○離騷經時續紛其變易兮又何以淹畱後漢

書劉隆傳南陽帝鄉多近親炎涼見江南贈宋之問篇戰

國策宋文帝舍其錦繡鄰有短褐而飢者甘糟糠集解徐廣曰

秦始皇本紀夫寒者利短褐而飢者甘糟糠集解徐廣曰

一作短小襦也索隱趙岐曰褐以毛毳織之若馬衣或以

褐編衣也短一音豎蓋謂褐布豎裁為勞役之衣短而且

狹故謂之短褐亦曰豎褐張衡西京賦長廊廣庶途閣雲

蔓李善注許慎淮南子注曰廊屋也按臨海初為道王府

屬自敘狀有於今三年之句道王薨於麟德元年當是麟

德中對策始為詳正學士至咸亨初出塞計麟德二年乾

封二年總章二年道王歷任刺史其為府屬非在京內故

曰六載奉長廊也史記司馬相如傳上讀子虛賦而善之

乃召問相如相如曰請為天子游獵賦上許令尚書給筆

札賦奏天子以為郎曹植與楊德祖書昔揚子雲先朝執

戟之臣李善注漢書曰揚雄奏羽獵賦為郎然郎皆執戟

而持也潘岳夏侯常侍誄執戟疲揚長沙投賈漢書汲黯

傳上嘗坐武帳黯前奏事上不冠望見黯避帷中使人可
其奏注應邵曰武帳織成帳為武士象也孟康曰今御武
帳置兵闌五兵於帳中也師古曰孟說是也荷胡可切曹
植槐賦馮文昌之華殿森列峙乎端門張載注左思魏都
賦曰文昌正殿名也沈約文昌隱隱皇城裏絲來奕奕多
入詠畫武帳今夕文昌

才子潘陸辭鋒駱驛飛張曹翰苑縱橫起卿相未曾識王

侯甯見擬垂釣甘成白首翁負薪何處逢知己一作徒勞

倦負薪何處逢知己○方言凡美容謂之奕或謂之僕郭

璞注奕僕皆輕麗之貌廣雅釋言奕奕容也又盛也沈約

宋書謝靈運傳降及元康潘陸特秀謂潘岳陸機也荀崧

請置博士疏此乃義則戰爭之場辭亦劒戟之鋒顏氏家

訓勉學篇直取其清談雅論辭鋒理窟剖乎析微妙得入

神傳毅舞賦駱驛飛散李善注駱驛不絕貌宋書謝靈運

傳論張蔡曹王曾無先覺潘陸顏謝去之彌遠謂張衡曹

植也郭璞爾雅序學覽者之譚與摛翰者之華苑也王延

壽魯靈光殿賦從橫駱驛李善注縱橫四散也垂釣用太

公寧見贈高四篇王充論衡逢遇篇昔周人有仕數不遇

年老白首泣涕於塗者又書虛篇傳書言延陵季子出游見路有遺金當夏五月有披裘而薪者季子呼薪者曰取彼地金來薪者投鏹於地瞋目拂手而言曰吾當夏五月披裘而薪豈取金者哉季子謝之請問姓字薪者曰子皮相之士也何足語姓名遂去不顧案高士傳作披裘而負薪此初爲宏文館詳正學士時也舊書文苑傳盧照隣授鄧王府典籤楊炯拜校書郎爲崇文館學士王勃年未及冠應幽素舉及第乾封初沛王賢召爲沛府修撰潘陸張曹蓋指諸才士俱聚於京邸也新書劉裴妻傳裴行儉善知人在吏部時見蘇味道王勣謂曰二君後皆掌銓衡李敬予盛稱王勃楊炯盧照隣駢賓王之才引示行儉曰士之致遠先器識後文藝如勃等雖有才而浮噪銜露豈享爵祿者哉臨海抑於行儉先爲道王府屬時判將運命賦道王已逝故曰卿相未曾識王侯甯見擬也

窮通從來奇舛任西東不應永棄同芻狗且復飄飄類轉蓬容鬢年年異春華歲歲同榮親未盡禮狗主欲申功一作分○莊子雜篇讓王孔子窮於陳蔡子貢曰古之得道者窮亦樂通亦樂所樂非窮通道得於此則窮通爲寒暑

風雨之序矣劉峻辯命論序余謂士之窮通無非命也李
百藥贊道賦哀時命之奇舛莊子外篇天運師金曰夫芻
狗之未陳也盛以篋衍巾以文繡尸祝齋戒以將之及其
已陳也行踐其首背蘇者取而爨之而已孫萬壽贈京
邑知友詩飄飄如木偶棄置同芻狗曹植雜詩轉蓬離本
根飄飄隨長風言容鬢隨年而遞變春華歷歲而常新史
記春申君列傳歇為人臣出身以徇其主本集早秋出塞
寄東臺詳正曰影纓陪紱冕載筆偶瑱璫汲冢甯詳蠹秦
牢詎辨冤一朝從篋服千里驚輕軒蓋臨海為詳正學士
以事被謫出塞也舊書薛仁貴傳咸亨元年吐蕃入寇又
以仁貴為邏婆行軍大總管率將軍阿史那道真郭待封
以擊之比至烏海待封敗走趨山仁貴屯於大非川官軍
大敗仁貴坐除名臨海從軍在咸亨元年凱歌未奏行役
徒勞所謂奇舛西東者也未奉毛義之檄先請終軍之纓
亦可悲矣脂車秣馬辭京國策轡西南使叩棘玉壘銅梁不易
攀地角天涯眇難測鶯囀蟬吟有悲望鴻來雁度無音息

陽關積霧萬里昏劍閣連山千種色

京一作鄉使一作吏
○詩小雅爾之亟行

遑脂爾車周南言秣其馬傳秣養也史記大宛列傳天子
令騫因蜀犍爲發閒使四道並出出驪出冉出徙出卬焚
皆各行一二千里張守節正義焚蒲北反卬今卬州焚今
雅州皆在戎州西南也元和郡縣志劍南道卬州卽蜀州
之臨卬縣地南接卬來山因以爲名戎州古焚國也武帝
建武六年置焚道縣屬犍爲郡戎獠之中最有入道故其
字從人案卬今四川卬州焚今四川紋州府宜賓縣左思
蜀都賦包玉壘而爲宇又外負銅梁山於宕渠劉達注玉壘
山名也湔水出焉在成都西北岷山界銅梁山名在巴東
劉孝威蜀道難王壘高無極銅梁山不可攀案玉壘山在今
四川成都府灌縣西北銅梁山在今四川重慶府合州南
徐陵答族人梁東海太守長孺書燕南趙北地角天涯蜀
舊志王楊盧駱無不入蜀賓王入蜀亦以使事至其曰地
角天涯眇難測者成都有此二石也張世南游宦紀聞云
頃在成都乃知天涯石在中興寺耆老傳云人坐其上則
腳腫不能行至今人不敢踐履地角石舊有廟在羅城內
西北角高三尺餘王均之亂爲守城者所壞今不復存矣
此則末俗傳聞本非故實禽經鸞以喜囀鳥以悲啼潘岳
秋興賦蟬嘒嘒而寒吟今雁飄飄而南飛陸機爲顧彥先
贈婦詩形影參商乖音息曠不達李善注音息音問消息

也常璩華陽國志巴志巴楚數相攻伐故置扞關陽關及
沔關是川東亦有陽關案臨海由出塞復使蜀故曰陽關
積霧萬里昏非常志之陽關也元和郡縣志隴右道沙州
壽昌縣陽關在縣西六里以居玉門關之南故曰陽關本
漢置也謂之南道西趣部善莎車後魏嘗於此置陽關縣
周廢劍閣在今四川保寧府昭化縣劍州界詳見從軍中
行路難梁武帝白銅鞮歌草樹非一香花葉百種色寄語
故情人知我心相憶新書高宗本紀咸亨三年正月辛丑
姚州蠻寇邊太子右衛副率梁積壽為姚州道行軍總管
以伐之臨海自塞外從軍姚州脂車秣馬句言雖入玉門
仍辭鄉國姚州今隸滇漢西南夷地邛樊為唐時由蜀入
滇之路故曰策響西南使邛樊也自塞外至姚州改曰陽
關萬里案臨海出塞有賦及詩姚州有露布此於姚州但
言西南而陽關從後方點出何也考新書吐蕃傳咸亨元
年安西四鎮並廢薛仁貴至大非川為欽陵所拒王師敗
績姚州之捷不見於史據張柬之表則劉惠基戰死其州
遂廢蓋當時
諱言之爾

蜀路何悠悠岷峰阻且脩迴腸隨九折迸淚

下雙流寒光千里暮露氣二江秋長途看束馬平水見沉

牛光一作雲○詩廊風傳悠悠遠貌水經江水篇岷山在
蜀郡氏道縣大江所出酈道元注岷山卽瀆山也水曰
瀆水矣又謂之汶阜山案山在今四川茂州西北五百里
連峯千里蜀西之山皆岷也詩秦風道阻且長小雅傳脩
長也司馬遷答任少卿書是以腸一日而九迴元和郡縣
志劔南道雅州榮經縣九折坂在縣西八十里又詳四卷
從軍中行路難篇潘岳寡婦賦涕橫迸而霑衣李善注字
書曰迸散走也謝朓爲諸姊祭阮夫人文迸淚失聲潸潸
如霰班婕妤自傷悼賦仰視今雲屋雙涕兮橫流元和郡
縣志劔南道成都府雙流縣本漢廣都縣也隋仁壽元年
避煬帝諱改爲雙流因以縣在二江之間仍取蜀都賦帶
二江之雙流爲名也劉孝威蜀道難雙流迸職道九坂澀
陽關榮經縣今隸四川雅州府雙流縣今隸四川成都府
鮑照行路難紅顏零落成都縣將暮寒光宛轉時欲沈水經注
江水篇江水又東逕成都縣縣有二江雙流郡下故楊子
雲蜀都賦曰兩江珥其前者也風俗通曰秦昭王使李冰
爲蜀守開成都兩江溉田萬頃晉書羊祜傳蜀之爲山非
不險也高山尋雲霓深谷肆無景束馬懸車然後得濟水
經注江水篇西南石牛門曰市橋吳漢入蜀自廣都令輕
騎先往焚之橋下謂之石犀淵李冰昔作石犀五頭以厭

水精穿石犀渠于南江命之曰犀牛里後轉犀
牛二頭一頭在府市市橋門一頭沈之於淵也
華陽舊地

標神制石鏡我眉眞秀麗諸葛才雄已號龍公孫躍馬輕

稱帝五丁卓犖多奇力四士英靈用文藝雲氣橫開八陣

形橋影遙分七星勢

用一作富○書禹貢華陽黑水惟梁

龍首山川原秀麗卉物滋阜諸葛見帝京篇啓左思蜀都

賦公孫躍馬而稱帝劉宗下輩而自王李善注後漢書曰

公孫述字子陽扶風人也王莽時爲導江卒正更始立述

恃其地險眾附遂自立爲天子常璩華陽國志蜀志蜀有

五丁力士能移山舉萬鈞左思蜀都賦若乃卓犖奇譎偶

儻周己一經神怪一緯人理又近則江漢炳靈世載其英

蔚若相如觸若君平王褒韓曄而秀發揚雄含章而挺生

幽思綯道德摘藻挾天庭考四海而爲雋當中葉而擅名

王應麟通鑑地理通釋三國形勢考上八陣圖郡縣志在

夔州奉節縣西七里竄宇記在縣西南七里荊州圖副云

永安宮南一里渚下平磧上周迴四百十八丈中有諸葛

武侯八陣圖聚細石爲之各高五尺廣十圍歷然棊市縱

橫相當中間相去九尺正中開南北巷悉廣五尺凡六十
四聚或爲人散亂及爲夏水所沒冬水退復依然如故盛
弘之荊州記云壘西聚石爲八行行八聚聚間相去二丈
因曰八陣旣成自今行師庶不覆敗八陣及壘皆圖兵勢
行藏之權自後深識者所不能了桓溫伐蜀經之以爲常
山蛇勢此蓋意言之水經注江水又東逕諸葛亮圖壘南
成都圖經云八陣凡三在夔者六十有四方陣法也在彌
牟者一百二十有八當頭陣法也在棋盤市者二百五十
有六下營法也興元志西縣亦有之則八陣凡四杜牧注
孫子云數起於五而終於八今夔州諸葛武侯以石縱橫
八行布爲方陣奇正之出皆生於此奇亦爲正之正正亦
爲奇之奇彼此相用循環無窮也華陽國志蜀志西南兩
江有七橋長老傳言李冰造七橋以上應七星故世祖
謂吳漢曰安軍宜在七星閒樂史曰謂五星日月云

平烟霧開遊戲錦城隈墉高龜步轉水淨雁文迴尋妹入

酒肆訪客上琴臺不識金貂重偏惜玉山頽

步一作望轉一作出○古

詩十九首驅車策駑馬游戲宛與洛元和郡縣志成都府
成都縣錦城在縣南十里故錦官城也又州城秦惠王二

十七年張儀所築初儀築城屢頽不立忽有大龜周行旋走巫言依龜行處築之遂得堅立城西南樓百有餘尺名張儀樓歐陽詢藝文類聚鳥部盛弘之荊州記曰雁塞北接梁州汶陽郡其間東西嶺屬天無際雲飛風翥望崖迴翼唯一處爲下朔雁達塞矯翮裁度故名雁塞同於雁門也史記司馬相如列傳相如素與臨邛令王吉相善卓王孫有女文君新寡好音故相如繆與令相重而以琴心挑之文君夜亡奔相如相如乃與馳歸家居徒四壁立相如與俱之臨邛盡賣其車騎買一酒舍酤酒而令文君當鑪相如身自著犢鼻褌與保庸雜作滌器於市中裴駟集解韋昭曰鑪酒肆也以土爲墮邊高似鑪詩邶風傳姝美色也太平寰宇記成都府蜀記云相如宅在市橋西又益部耆舊傳宅在少城中笮橋下有百許步是也又有琴臺在焉今爲金花寺晉書阮孚傳孚字遙集遷黃門侍郎散騎常侍以金貂換酒復爲所司彈劾帝宥之又輿服志武冠卽古之惠文冠或曰趙惠文王所造因以爲名亦云惠者蟪也其冠文輕細如蟬翼故名惠文左右侍臣及諸將軍武官通服之侍中常侍則加金璫附蟬爲飾插以貂毛黃金爲竿侍中插左常侍插右世說容止篇嵇康身長八尺風姿特秀山公曰嵇叔夜之爲人也巖巖若孤松之獨

立其醉也。傀俄若玉山之將崩。王勃春思賦序。咸亨二年。余
春秋二十有二。旅寓巴蜀。蓋以圖雞檄出沛府時也。本集
有豔情代郭氏答盧照隣詩。臨海與盧同在蜀。可知惟楊
炯於則天初。左轉梓州司法參軍。不在此時耳。臨海自姚
州歸。久客於蜀。自蜀路何他鄉。冉冉消年月。帝里沈沈限
悠悠。以下皆詠蜀中情事。城闕不見猿聲。助客啼。惟聞旅思。將花發我家。迢遞關山
裏。關山迢遞不可越。故園梅柳尙有餘春來。勿使芳菲歇。
冉冉一作萋萋。沈沈一作悠悠。梅柳一作桃李。有餘一作
餘春。春來一作來時。○離騷經老冉冉其將至今。恐修名
之不立。王逸注。冉冉行貌。司馬相如上林賦。沈沈隱隱。李
善注。沈沈深貌也。王勃春思賦。夫壻連延。限城闕。謝靈運
登石門最高頂詩。活活夕流駛。嗷嗷夜猿啼。薛道衡人日
思歸詩。人歸落雁後。思發在花前。左思吳都賦。曠瞻迢遞
迴眺。冥蒙劉逵注。迢遞遠望懸絕也。謝莊月賦。川路長兮
不可越。沈約春初詩。無事逐梅花。空交信楊柳。離騷經芳
菲菲而難虧。今芬至今猶未沫。王逸注。虧歇也。案從軍中
行及露布祭文。當自蜀從軍至姚州還復。久居蜀地也。

解鞅欲言歸執袂愴多違北梁俱握手南浦共霑衣別情

傷去蓋離念惜徂輝知音何所託木落雁南飛

鞅一作袂徂一作秩

雁一作有○左傳襄公十八年抽劍斷鞅劉熙釋名釋車

鞅嬰也喉下稱嬰言纓絡之也其下飾曰樊纓其形樊樊

而上屬纓也說文二篇違離也王褒九懷陶壅濟江海兮

蟬蛻絕北梁兮永辭蘇武古詩握手一長嘆陶壅濟江海兮

楚辭九歌河伯子交手兮東行送美人兮南浦謝朓酬德

賦時遊盤以未極暍落景之徂輝古詩十九首不惜歌者

苦但傷知音希漢武帝秋風辭秋風起兮白雲飛草回來

木黃落兮雁南飛此言別人蜀諸人而還京國也

望平陸春來酒應熟相將菌閣臥青溪且用藤盃泛黃菊

十年不調爲貧賤百日屢遷隨倚伏祇爲須求負郭田使

我再干州郡祿

回來句一作飛鳥轉南陸○謝朓冬日晚郡事隙詩蒼翠望寒山崢嶸瞰平陸王褒

九懷匡機菌閣兮蕙樓觀道兮縱橫太平廣記草木部藤實杯出西域藤大如臂葉似葛花實如梧桐實成堅固皆

可酌酒自有文章映微可愛實大如杯味如荳蔻香美消
酒原注出炙轂子十年不調見帝京篇後漢書荀爽傳爽
字慈明獻帝卽位董卓輔政復徵之爽欲遁命吏持之急
不得去因復就拜平原相行至宛陵復追爲光祿勳視事
三日進拜司空爽自被徵命及登台司九十五日任昉爲
范尚書讓吏部封侯第一表荀爽之十旬遠至史記蘇秦
傳蘇秦爲從約長并相六國喟然嘆曰且使我有雒陽負
郭田二頃吾豈能佩六國相印乎索隱負背也枕也近城
之地沃潤流澤最爲膏腴故曰負郭再干州
郡祿謂昔受祿於京師今再乞祿於州郡也
百年鬱鬱少

騰遷萬里迢迢入鏡川吳江沸潮衝白日淮海長波接遠

天叢竹凝朝露孤山起暝烟賴有邊城月來傍客旌懸一日

作浪來傍一作常伴。史記淮陰侯列傳安能鬱鬱久居
此乎梁荀濟贈陰梁州詩副尉西域返伏波南海還坎壈
多構難鬱快少驕遷太平寰宇記江南東道越州漢順帝
永和五年會稽太守馬臻創立鏡湖在會稽山陰兩縣界
築塘畜水水高丈餘田又高海丈餘若水少則洩湖灌田
如水多則閉湖洩田中水入海所以無凶年隄塘周迴三

百一十里都漑田九千餘頃按輿地志云山陰南湖紫帶
郊郭白水翠巖互相映發若圖畫故逸少云山陰路上行
如在鏡中遊耳水經注漸江水篇水流於兩山之閒江川
急濬兼濤水晝夜再來來應時刻常以月晦及望尤大至
二月八月最高峩峩二丈有餘吳越春秋以爲子胥文種
之神也徐堅初學記地部水朝夕而至曰潮書禹貢淮海
惟揚州木華海賦長波漭澶迤迤入裔漢書嚴助傳淮南
王安上書諫曰今發兵行數千里資衣糧入越地行數百
千里夾以深林叢竹水道上下擊石庾闢揚都賦注烽火
以炬置孤山頭皆緣江相望或百里或五十里寇至
則舉以相告一夕可行萬里張正見星名從軍詩欲
知客心斷危旌萬里懸此言從長安而至吳越也

東南

美箭稱吳會名都隱軫三江外塗山執玉應昌朝曲水開

繚重文會仙鎬流音鳴鶴嶺寶劍分輝落蛟瀨未看白馬

對蘆芻且覺浮雲似車蓋

朝一作期。爾雅釋地東南之美者有會稽之竹箭焉范成大

吳郡志考證門世多稱吳門爲吳會意謂吳爲東南一都會也自唐以來已然此殊未穩吳本秦會稽郡後漢分爲

吳會稽二郡後世指二淞之地通稱吳會謂吳與會稽也
諸葛亮曰荊州北據漢沔西通巴蜀南連吳會皆指兩地
爲說莊子釋文淞江注云浙江今在餘杭郡後漢以爲吳
會分界今在會稽錢塘其云分界則言兩地尤明褚伯玉
吳郡錢塘人隱居剡山齊太祖卽位手詔吳會二郡以禮
迎遣此證尤切案吳會臨海詩中屢見惟此詩下皆詠越
事上言吳江淮海則明指吳與會稽也非都會之會揚雄
蜀都賦方輳齊載隱軫幽軫羽獵賦殷軫軫李善注殷
軫盛貌殷音隱是隱軫與殷軫音義並同也三江見冬日
野望篇水經注淮水篇春秋左傳哀公十年大夫對孟孫
曰禹會諸侯于塗山執玉帛者萬國杜預曰塗山在壽春
東北非也余按國語曰吳伐楚墮會稽獲骨焉節專車吳
子使來聘且問之客執骨而問曰敢問骨何爲大仲尼曰
丘聞之昔禹致羣神於會稽之山防風氏後至禹殺之其
骨專車此爲大也蓋邱明親承聖旨錄爲實證矣說文九
篇龠會稽山一曰九江當龠也詩齊風朝旣昌矣王義之
三日蘭亭詩序此地有崇山峻嶺茂林修竹又有清流激
湍映帶左右引以爲流觴曲水王粲登樓賦向北風而開
襟後漢書鄭宏傳章懷太子注孔靈符會稽記曰射的山
南有白鶴山此鶴爲仙人取箭漢太尉鄭宏嘗采薪得一

遺箭頃有人覓宏還之問何所欲宏識其神人也曰常患
若邪溪載薪為難願旦南風暮北風後果然故若邪溪風
至今猶然呼為鄭公風也說文十四篇鎬矢縫也淮南子
道應訓荆有伏非得寶劍於干隊兩蛟夾繞其船於是伏
非瞑目勃然攘臂拔劍曰武士可以仁義之禮說也不可
劫而奪也此江中之腐肉朽骨棄劍而已余有奚愛焉赴
江刺蛟遂斷其頭船中人盡活風濤畢除荆爵為執圭寶
宇記江南東道蘇州吳縣閶門吳城西門也孔子與顏
淵俱登魯東山望吳閶門謂曰爾何見曰見一匹練前有
生藍孔子曰噫此白馬盧芻使人視之果然魏文帝雜詩
西北有浮雲亭亭如車蓋惜哉時不遇江南節序多文酒
適與飄風會吹我東南行行行至吳會

屢經過共踏春江曲俱唱采菱歌舟移疑入鏡棹舉若乘

波風光無限極歸櫂礙池荷

共一作莫俱一作但極一作數○楚辭招魂涉江采菱發

陽阿些王逸注楚人歌曲也羅願爾雅釋翼草六古者洲
澤之利與民共之吳楚之風俗當菱熟時士女相與采之
故有采菱之歌以相和為繁華流蕩之極招魂云涉江采
菱發陽阿陽阿者采菱之曲也庚肩吾亂後經夏禹廟詩

仙舟還入鏡玉軸更乘空謝朓聽烟霞正流盼即從王事

歸鱸轉芝田花發屢徘徊金谷佳期重游衍登高南適嗤

梁叟憑軾西征想潘掾峰開華岳聳疑蓮水激龍門急如

箭發一作月佳期一作德明非南適一作北望○何遜登

霞而問鄉窺林岫而訪泊宋玉登徒子好色賦含喜微笑

竊視流盼詩小雅四牡彭彭王事傍傍陰鏗廣陵岸送北

使詩行人引去節送客賦歸鱸小爾雅廣器船尾謂之鱸

說文八篇漢律名船力長為舳舻舻一名船頭方言舟首

謂之閭閭郭璞注今江東呼船頭星謂之飛閭是也鱸閭

古音同耳芝田金谷並見豔情篇楚辭九歌湘夫人與佳

期兮夕張詩大雅及爾游衍傳游衍行衍溢也謝朓登山曲

王孫尚游衍蕙草正萋萋後漢書逸民傳梁鴻字伯鸞扶

風平陵人也因東出關過京師作五噫之歌曰陟彼北芒

兮噫願覽帝京兮噫宮室崔嵬兮噫人之劬勞兮噫遼遼

未央兮噫肅宗聞而非之求鴻不得乃易姓運期名耀字

侯光與妻子居齊魯之間有頃又去適吳趙至與嵇茂齊

路臨每集卷之五十一

善梁生適越登岳長謠潘岳西征賦潘子憑軾西征自京
徂秦秋興賦序晉十有四年以太尉掾兼虎賁中郎將李
善注臧榮緒晉書云賈充爲太尉又曰岳爲賈充掾晉書
本傳潘岳字安仁早辟司空太尉府舉秀才出爲河陽令
轉懷令楊駿引岳爲太傅主簿駿誅除名未幾選爲長安
令作西征賦初學記山部華山記云山頂有池生千葉蓮
華服之羽化因曰華山又華山有蓮峯慎子河下龍門流
駛竹箭元和郡縣志關內道華州華陰縣太華山在縣南
八里同州韓城縣龍門山在縣北五十里此言從江南而
西至長安也轉歸隄於王事當由從軍歸長安奉檄至吳會
自百年鬱鬱少騰遷下皆思江南遊蹟尋由武功主簿調
明堂主簿元和郡縣志京兆府萬年縣乾封元年分置明
堂縣長安三年廢張鶯朝野人事謝光陰俄遭霜露侵偷
僉載明堂主簿駱賓王是也

存七尺影分沒九泉深窮途行泣玉憤路未藏金茹荼空

有嘆懷橘獨傷心淮南子精神訓吾生也有七尺之形吾死也有一棺之土燕丹子死懷恨於九

泉泣玉用卞和事詳贈宋之間篇晉書藝術傳隗炤善於
易臨終書版授其妻曰吾亡後當入荒窮雖爾慎莫賣宅

也却後五年春當有詔來頓此亭姓龔此人負吾金卽以此版往責之勿違言也炤亡後其家大窮困期日有龔使者止亭中妻遂齎版往責之使者執版惘然不知所以乃命取著筮之卦成撫掌而歎曰妙哉隗生含明隱迹可謂鏡窮達而洞吉凶者也於是告炤妻曰吾不相負金也賢夫自有金耳知亡後當暫窮故藏金以待太平所以不告兒婦者恐金盡而困無已也知吾善易故書版以寄意耳金有五百斤盛以青氈覆以銅梓埋在堂屋東頭去壁一丈入地九尺妻還掘之皆如卜焉崔鴻十六國春秋苻登移檄三輔曰賊臣莫大之甚自古所未聞雖茹荼之苦銜蓼之辛何以諭之吳志陸績傳績年八歲於九江見袁術術出橘績懷三枚去拜辭墮地術謂曰陸郎作賓客而懷橘乎績跪答曰欲歸遺母術大奇之此言遭母喪也前云方祿膝下歡又曰榮親未盡禮此復以茹荼懷橘爲言足以覘其至性矣本集上裴侍郎書作於上元三年四月行儉總管洮州之時書曰少遭不造幼丁閔凶老母在堂常嬰羸恙其除臨海在調露二年唐會要帝號上元三年十一月三日改爲儀鳳儀鳳四年六月十五日改爲調露據此茹荼懷橘之句母年來歲去成銷鑠懷抱心期漸寥落始卒於儀鳳初也

挂冠裂冕已辭榮南畝東臯事耕鑿賓階客院常疏散蓬

徑茅齋終寂寞自有林泉堪隱棲何必山中事邱壑

茅齋一作

柴扉。梁荀濟贈陰梁州詩僕本不平人悲愁眉亦頻年
來空自老歲去不知春枚乘七發雖有金石之堅猶將銷
鑠而挺解也孫楚征西官屬送於陟陽侯作詩乖離卽長
衢惆悵盈懷抱南齊書豫章文獻王傳居今之地非心期
所及謝朓京路夜發詩曉星正寥落晨光復泱泱後漢書
逸民傳漢室中微王莽篡位士之蘊藉義憤甚矣是時裂
冠毀冕相攜持而去之者益不可勝數又逢萌字子慶時
王莽殺其子宇萌卽解冠挂東都城門歸將家屬浮海客
於遼東江淹報袁叔明書其下則辭榮城市退耕巖谷詩
幽風鎡彼南畝田峻至喜阮籍詣蔣公奏記方將耕於東
臯之陽輸社稷之稅以避當途者之路李善注潘岳秋興
賦曰水田曰臯東者取其春意王充論衡感虛篇堯時擊
壤者曰鑿井而飲耕田而食儀禮聘禮栗階升公西鄉賓
階上再拜稽首沈約冬節後至丞相第詣世子車中作賓
階綠錢滿客位紫苔生李騫憐情賦跌蕩世俗之外疏散
造化之間藝文類聚草部三輔決錄曰張仲蔚平陵人也

與同郡魏景卿俱隱身不仕所居蓬蒿沒人徐陵內園逐
涼詩狹徑長無迹茅齋本自空漢書揚雄傳惟寂寞自投
閣爰清靜作符命郭璞遊仙詩京華遊俠窟山林隱遯樓
謝靈運齋中讀書詩昔余遊京華未嘗廢邱壑矧乃歸山
川心迹我住青門外家臨素澹濱遙瞻丹鳳闕斜傍黑龍
雙寂寞

津荒衢通獵騎窮巷抵樵輪時有桃源客來訪竹林人青

門

見帝京篇潘岳西征賦南有玄灞素澹湯井溫谷李善注
玄素水色也宋敏求長安志縣一萬年縣澹水在縣東北
流四十里入渭又宮室一東內大明宮在禁苑之東南南
接京城之北面西接宮城之東北隅南面五門正南曰丹
鳳門丹鳳門內當正中殿曰含元殿武后改曰大明殿即
龍首山之東麓也太平寰宇記關西道雍州長安縣黑龍
津卽秦時黑龍飲渭之處史記陳丞相世家乃負郭窮
巷陶潛讀山海經詩窮巷隔深轍頗迴故人車方言抵會
也廣雅釋詁抵至也陶潛桃花源記晉太原中武陵人捕
魚爲業緣溪行忘路之遠近忽逢桃花林夾岸數百步中
無雜樹芳草鮮美落英繽紛漁人甚異之復前行欲窮其
林盡水源便得一山山有小口彷彿若有光便捨船從

口入初極狹纔通人復行數十步豁然開朗土地平曠屋舍儼然有良田美池桑竹之屬阡陌交通雞犬相聞其中往來種作男女衣著悉如外人黃髮垂髻並怡然自樂見漁人乃大驚問所從來具答之便要還家設酒殺雞作食村中聞有此人咸來問訊自云先世避秦時亂來此絕境不復出焉遂與外人間隔問今是何世乃不知有漢無論魏晉晉書嵇康傳所與神交者惟陳留阮籍河內山濤豫其流者河內向秀沛國劉伶籍兄子咸瑯琊王戎遂為竹林之遊世所謂竹林七賢也此言閒居都下也昨夜琴聲奏悲調旭旦含嘆不成

笑果乘驄馬發囂書復道郎官稟綸詔治長非罪曾縲紲

長孺然灰也經溺高門有闕不圖封峻筆無聞斂敷妙一詔

作誥高一作于闕一作閭斂一作欲○劉向說苑尊賢篇

應侯與賈午子坐聞其鼓琴之聲應侯曰今日之琴一何

悲也賈午子曰夫張急調下故使人悲耳急張者良材也

調下者官卑也取夫良材而卑之官安能無悲乎應侯曰

善哉詩衛風旭日始旦嘽嘽翼翼貌馳馬言御史見獄中書

情篇禮緇衣王言如絲其出如綸北史楊休之傳先是中

書專主綸詰魏宣武已來事移門下至是發詔依舊任遇
甚顯詩小雅無罪無辜讒口囂囂鄭氏箋囂衆多貌囂書猶
言讒書也論語子謂公冶長可妻也雖在縲紲之中非其
罪也何晏集解孔安國曰公冶長弟子魯人也姓公冶名
長縲黑索也縲攀也所以拘罪人也皇侃義疏范甯曰公
冶行正獲罪罪非其罪別有一書名爲論釋云公冶長從
衛還魯行至二堦上聞鳥相呼往清溪食死人肉須臾見
一老嫗當道而哭治長問之嫗曰兒前日出行于今不反
當是已死亡不知所在治長曰向聞鳥相呼往清溪食肉
恐是嫗兒也嫗往看卽得其兒也已死嫗卽告村司村司
問嫗從何得知之嫗曰見治長道如此村官曰治長不殺
人何緣知之囚錄治長付獄主問治長何以殺人治長曰
解鳥語不殺人主曰當試之若必解鳥語便相放也若不
解當令償死駐治長在獄六十日卒日有雀子緣獄柵上
相呼嘖嘖唯唯治長含笑吏啓主治長笑雀語是似解鳥
語主教問治長雀何所道而笑之治長曰雀鳴嘖嘖唯唯
白蓮水邊有車翻覆黍粟牡牛折角收斂不盡相呼往啄
獄主未信遣人往看果如其言後又解猪及燕語屢驗於
是得放然此語乃出雜書未必可信而亦古舊相傳云治
長解鳥語故聊記之也范甯曰名芝字子長也唐避太宗

諱繼改作綬漢書實田灌韓列傳安國字長孺梁成安人也安國坐法抵罪蒙獄吏田甲辱安國安國曰死灰獨不復然乎甲曰然即溺之居無幾梁內史缺漢使使者拜安國爲梁內史起徙中爲二千石田甲亡安國曰甲不就官我滅而宗甲肉袒謝安國笑曰公等足與治乎卒善遇之注師古曰溺讀曰尿奴弔切又于定國傳始定國父于公其閭門壞父老方共治之于公謂曰少高大門閭令容駟馬高蓋車我治獄多陰德未嘗有所冤子孫必有興者至定國爲丞相永爲御史大夫封侯傳世云劉峻辨命論于公高門以待封史記高帝功臣侯年表人臣功有五等明其等曰閭積曰史記高帝功臣侯年表人臣功有五等明其傳閭容也江淹齊太祖高皇帝誅寅亮大寶敷綸妙祕通典職官門舊例御史臺不受訴訟有通詞狀者立於臺門候御史御史竟往門外收採知可彈者署其姓名皆云風聞訪知永徽中崔義孚爲大夫始定受事御史人知一日劾狀題告人姓名或訴訟之事新書百官志御史臺有制覆囚則與刑部尙書平閱又刑法志高宗自永徽以後武氏已得志而刑濫矣當時大獄以尙書刑部御史臺大理寺雜按謂之三司而法吏以慘酷爲能武后已稱制懼天下不服欲制以威乃修後周告密之法詔官司受訊有言

密事者馳驛奏之羈書者羈讒之書言御史舉奏其事謂
生臟也即官謂尚書刑部諸郎官秉綸詰謂奉詔按已於
獄也曰發囂書則已啓告密之風矣按臨海獄中書情通
簡知已詩曰昔歲逢楊意觀光貴楚材又曰一命淪驕餌
三緘慎禍胎是臨海以薦爲侍御史上書言事未幾下獄
也據靈泉頌序所云三秋客恨調露二年秋也螢火賦序
云見一葉之已落知四運之將終調露元年秋也獄中詩
云青陸春芳動卽是年春也證以昔歲逢楊意之句則爲
侍御史在儀鳳三年也臨海以上元三年因母老辭行儉
之辟其母卽卒於是年也是年冬改元儀鳳至儀鳳三年
服闋爲長安主簿擢侍御史證以憲臺出繫寒夜有懷之
詩則下獄卽在是年冬也此詩前俱按次順敘若從遷官
上疏說到獲罪匪特平直寡味兼亦章法嫌冗昨夜二適
句離奇不測先言陷罪下方點出京兆御史可悟詩心

離京兆謗還從御府彈炎威資夏景平曲況秋翰畫地終

難入書空自不安吹毛未可待搖尾且求餐

府一作史未一作猶。太

平御覽州郡部漢官儀曰京兆絕高曰京京大也十億曰
兆欲令帝都殷盛也按京兆謂爲長安主簿也御府謂爲侍

御史也新書百官志京縣主簿二人從八品上畿縣主簿
一人正九品上御史臺侍御六人從六品下臨海由明堂
簿改簿長安遷臺院也南史劉之遴傳須待夏景試欲推
尋按炎威句用趙盾夏日可畏意後漢書孝明八王傳枉
法曲平不聽有司章懷太子注曲平曲法中恩平處其罪
按此云平曲謂平法中曲處其罪也詩大雅王旅嘽嘽如
飛如翰傳疾如飛摯如翰箋云翰其中豪俊也正義曰鳥
飛已是迅疾翰又疾於飛故云翰其中豪俊者若鷹鷂之
類摯擊衆鳥者也史記酷吏列傳郅都遷爲中尉列侯宗
室見都側目而視號曰蒼鷹此暗用其事司馬遷報任少
卿書故士有畫地爲牢勢不可入削木爲吏議不可對定
計於鮮也晉書殷浩傳浩雖被黜放口無怨言夷神委命
談詠不輟雖家人不見其有流放之感但終日書空作咄
咄怪事四字而已韓非子內儲說下仲尼爲政於魯道不
拾遺齊景公患之黎且謂景公曰去仲尼猶吹毛耳後漢
書杜林傳林奏曰吹毛索疵詆欺無限搖尾見獄中書情
篇

丈夫坎壈多愁疾契濶迢迢盡今日慎罰寧憑兩造辭
嚴科直掛三章律鄒衍含悲繫燕獄李斯抱怨拘秦桎不

應白髮頓成絲直為黃沙暗如漆行一作陽燕一作梁桎

古意篇謝朓高齋視事詩安得掃荒徑鎖吾愁與疾北史

王孝籍傳愁疾甚厲鬼人生異夫金石詩邶風死生契

濶傳勤苦也易屯六二屯如邳如王弼注志在乎五不從

於初屯難之時正道未行與初相近而不相得故屯邳也

蔡邕述行賦途邳邳連今潦汗滯而為災沈約與徐

勉書契濶屯邳困於朝夕書康誥克明德慎罰呂刑兩造

具備師聽五辭傳兩謂囚證造至也兩至具備則衆獄官

共聽其入五刑之辭也宋書隱逸傳如當逼以王憲東以

嚴科慮致顛殞有傷盛化廣雅釋言科條也漢書刑法志

高祖初入關約法三章曰殺人者死傷人及盜抵罪論衡

感虛篇傳書言鄒衍無罪見拘於燕當夏五月仰天而嘆

天為隕霜此與杞梁之妻哭而崩城無以異也史記李斯

列傳李斯者楚上蔡人也至秦官至廷尉二十餘年竟并

天下尊王為皇帝以斯為丞相始皇崩二世以趙高為郎

中令常侍中用事李斯數欲請間二世不許趙高案治李

斯李斯拘執束縛居囹圄中仰天而嘆曰嗟乎悲夫不道

之君何可為計哉於是二世乃使高案丞相獄治罪責斯

與子由謀反狀二世二年七月具斯五刑論腰斬咸陽市

各島年長
卷之二
一

廣雅釋宮枅謂之桔槔謂之桎范雲當對酒詩方悅羅襟
解誰念髮成絲黃沙獄名見書情詩太平御覽火部傅子
曰管寧之遼東而歸海中遇暴風餘船皆破惟寧船自若
夜晦船人盡惑莫知泊所忽望見火光趣之得島一門人忿
然曰君責人亦大無道理今闇如漆何以不把火照紫禁
我當得覓鑽火具此因言事以坐賊下獄故云然也紫禁
終難叫朱門不易排驚魂聞葉落危魄逐輪埋霜威遙有
厲雪枉更無階含冤欲誰道飲氣獨居懷易一作可。謝
妃誅掩綵瑤光收華紫禁李善注王者之宮以象紫微故
謂宮中爲紫禁楊雄甘泉賦選巫咸兮叫帝閭排朱門見
螢火賦易林鳥鳴巢端一呼三顛搖動東西危魄不安後
漢書張綱傳漢安元年選遣入使徇行風俗餘人受命之
部而張綱獨埋其車輪於洛陽都亭曰豺狼當路安問狐
狸迷奏曰大將軍冀河南尹不疑甘心好貨縱恣無底多
樹詔諛以害忠良謹條其無君之心十五事斯皆臣子所
切齒者也晉書刑法志蔡廓上議曰酒湛露以流潤厲嚴
霜以肅威附書孝義傳李德饒遷司隸從事每巡四方理
雪冤枉褒揚孝悌漢書匡衡傳但以無階朝廷故隋牒在

遠方南史梁武帝紀含冤抱痛噍類靡餘任孝恭爲汝南
王檄魏文欽氣吞聲志伸讐怨新書酷吏傳序武后乘高
中僞庸盜據天權畏下異已欲脅制羣臣搯剪宗支於是
索元禮來俊臣之徒揣后密旨澤吻磨牙噬公卿若狗豚
然忠鯁貴疆之臣朝不保昏而后因以自肆不出幃闥而
天命已遷臨海以小臣言事動觸忌諱嶮責痛詆何所不
至厥後賢如梁公猶以反見誣忽聞驛使發關東傳道天
然則臨海之脫於刑網者幸爾

波萬里通涸鱗去轍還游海幽禽釋網便翔空舜澤堯曦
方有極讒言巧佞儻無窮誰能跼迹依三輔會就商山訪

四翁

述一作躋○元和郡縣志河南道河南府顯慶二年

王勃春思賦復聞天子幸關東馳道烟塵萬里紅隋書食
貨志大河之流波瀾東注百川海濱萬里交通涸鱗見詠
懷古意篇史記商本紀湯出見野張網四面祝曰欲天下
四方皆入吾網湯曰嘻盡之矣乃去其三面祝曰欲左左
欲右右不用命乃入吾網諸侯聞之曰湯德至矣及禽獸
舜漁雷澤故曰舜澤堯就之如日故曰堯曦言逢恩獲釋

而讒言尙未已也後魏湯固刺讒詩巧佞巧佞讒言興兮
營營習習似青蠅兮詩小雅謂天蓋高不敢不局謂地蓋
厚不敢不踣傳局曲也踣累足也釋文局本又作踣長安
志總敘三輔黃圖曰武帝太初元年改內史爲京兆尹以
渭城以西屬右扶風長安以東屬京兆尹長陵以北屬左
馮翊以輔京師謂之三輔又置三輔中輔理華陰左輔理
高陵右輔理郿兼三都尉亦曰六輔胡廣漢官解詁曰三
輔典長安城中又置司隸校尉三輔咸屬漢書王貢兩龔
鮑傳漢興有國公綺里季夏黃公角里先生此四人者當
秦之世避而入商雒深山自高祖聞而召之不至其後呂
后用留侯計使皇太子卑辭束帛致禮安車迎而致之從
太子見高祖客而敬焉太子得以爲重遂用自安太平御
覽地部盛宏之荊州記曰上洛有商山班孟堅所謂商洛
緣其隅高士傳謂地肺卽此也臨海以儀鳳三年遭誣見
繫據在獄詠蟬詩序有平反已奏之語當於次年秋得釋
也舊書高宗紀儀鳳四年正月己酉幸東都六月辛亥制
大赦天下改儀鳳四年爲調露元年二年十月己酉自東
都還京據驛使關東天波萬里之句益高宗調露元年六
月大赦改元後自東都頒制旨寬宥也慮讒佞之無窮謝
賜躋而長往厥後臨海之除尙願不及此也始託寰中末

三輔志在
亭爵祿者哉

宿溫城望軍營

晉書唐彬傳北虜侵掠北平以彬為使持節監幽州諸軍事領護烏丸校

尉右將軍彬既至鎮訓卒利兵廣農重稼震威耀武
宣諭國命示以恩信於是鮮卑二部大莫虜被遂開
竝遣侍子入貢兼修學校誨誘無倦仁惠廣被
拓舊境卻地千里復秦長城塞自溫城洎於碣石
亘山谷且三千里分軍屯守烽埃相望由是邊境獲
安案秦長城起臨洮至遼東萬餘里溫城去碣石
三千餘里臨海西行由三水五原出塞似不經此據
邊夜詩有燕山去不窮之句蓋臨海出關隴游滇蜀
後復至
北塞也

虜地寒膠折邊城夜柝聞

漢書鼂錯傳欲立威者始於折膠注蘇林曰秋氣至膠可折弓

弩可用匈奴常以為候而出軍兵符關帝關天策動將軍

左傳哀公七年魯擊柝聞于邾

蜀本缺關字○新書車服志初高祖入長安罷隋竹使符

班銀菟符其後改為銅魚符以起軍旅易守長左傳僖公

五年杜預注天策傳說星梁武帝元覽賦天策夜而動星
鉤陳朝而按軌庾信和平鄴應詔詩天策宏神兵風飛掃
鄴城舊書太宗紀武德四年太宗生擒建德於陣王世充
詣軍門請降山東悉平高祖以自古舊官不稱殊功乃別
表徽號用旌勲德戊靜胡笳徹沙明楚練分李陵與蘇武
加號天策上將牧馬悲鳴左傳襄公三年楚子重使鄧廖帥組甲三百被
練三千以侵吳杜預注被練練袍孔穎達疏賈逵云以帛
綴甲步卒服之馬融云風旗翻翼影霜劍轉龍文梁簡文
以練爲甲裏卑者所服風旗翻翼影霜劍轉龍文帝三月
三日侍宴林光殿曲水詩風旗爭曳影亭臯共生陰顏注
旗有鳥隼之象故言翼影西京雜記高帝斬白蛇劍十二
年一加磨瑩刃上常若霜雪開匣拔鞘輒有風氣光彩射
人吳筠詠寶劍詩鐔邊霜凜凜匣上風淒淒陶宏景古今
刀劍錄後漢明帝以永平元年歲次戊午鑄一劍上作龍
形沈之於洛水中水清時常有見之者魏文帝典論曰魏
太子丕造百辟匕首其三其理似堅冰名曰青剛其白羽
二曜似朝日名曰揚文其三狀似龍文名曰龍鱗其白羽
搖如月青山亂若雲家語致思篇孔子北遊於農山子路
進曰由願得白羽若月赤羽若日鐘

鼓之音上震於天旌旗繽紛烟疏疑卷禮塵滅似銷氛一

下蟠於地由當一隊而敵之作慢○左傳昭公十五年杜預注祲妖氣也氛惡氣也朱

子奮昭仁寺碑銘序卷氛祲於辰象反光華於日月晉書

景帝文帝紀論及踰投筆懷班業臨戎想霍勲蜀本缺霍

劍銷氛浮淮靜亂字近本一

作召又作顧今從顏本○投筆用後漢書班超事見久戌

邊城篇又銚期王霜祭遄傳贊曰祭遵好禮臨戎雅歌霍

謂霍去病還應雪漢恥持此報明君漢書傳常鄉言陳彭傳

見帝京篇延壽湯為聖漢揚鉤

深致遠之威雪國家累年之恥潘岳西征賦蒙漢恥而不

雪高誘注呂氏春秋不苟篇曰雪除也雪之言刷也案上

二句用班霍俱是漢臣故云雪漢恥沈宗伯德潛以顧榮

有揮扇破陳敏事遂作顧勲非是高宗時吐蕃最强北方

自永徽以來二十餘年邊鄙無警新書高宗紀調露元年

六月辛亥吏部侍郎裴行儉伐西突厥九月壬午行儉敗

西突厥執其可汗都支十月突厥溫傳奉職二部寇邊單

于大都護府長史蕭嗣業伐之十一月甲辰禮部尚書裴

行儉為定襄道行軍大總管以伐突厥永隆元年三月裴

行儉及突厥戰於黑山敗之按永隆元年為調露二年八

月改元以靈泉頌序考之駱以是年秋之官臨海其上書
被繫在儀鳳三年冬據詠蟬詩序有平反已奏之語當以
調露元年六月大赦改元以後省釋也疇昔篇作於出獄
之後其末二句云誰能跼迹依三輔會就南山訪四翁是
時甫能免罪並未除官此必行儉征突厥時招駱至幕府
蓋前以母老辭洮州之辟至是母卒之後而往從之也西
突厥居烏孫故地行軍不經溫城據螢火賦則其年六月
尚在幽縶然則臨海以調露元年十一月從軍定襄詩所
云虜地寒膠折正其時也明年黑山之捷始除臨海丞云

邊夜有懷

漢地行逾遠燕山去不窮

史游急就篇漢地廣大無不容
盛萬方來朝臣妾使令許靖與

曹公書行經萬里不見漢地陳昭昭君辭漢地隨行盡胡
關逐望新山海經北山經燕山多嬰石燕水出焉東流注
於河隋書地理志漁陽郡無終有燕城荒猶築怨碣毀尙
山在今順天府遵化州玉田縣北也
銘功班彪北征賦越安定以容與兮遵長城之漫漫劇蒙
公之疲民兮爲疆秦乎怨後漢書竇憲傳齊殤王

子都鄉侯暢來弔國憂憲遣客刺殺暢後事發覺憲懼誅
自求擊匈奴以贖死會南單于請兵北伐乃拜憲車騎將
軍以執金吾耿秉爲副與北單于戰於稽落山大破之憲
秉遂登燕然山刻石勒功紀漢威德令班固作銘其辭曰錄
王師兮征荒裔勦凶虐兮振萬世章懷太子注神邱卽燕然
邱兮建隆碣熙帝載兮振萬世章懷太子注神邱卽燕然
山也方者謂之碑圓者謂之碣碣碣也李善注碣與碣同
說文九篇碣特立之石也渠列切何承天安邊論銘功於
燕然之向饗徒於金微之曲

古戍烟塵滿邊庭人事空夜關明隴月秋

寒急胡風

臨海先是從軍西域故曰隴月蔡文姬悲憤詩處所多霜雪胡風春夏起倚伏良難

定榮枯豈易通

倚伏見前曹植贈丁翼詩積善有餘慶榮枯立可須旅魂勞泛梗離

恨斷征蓬

王褒寄梁處士周宏讓書征蓬長逝流水不歸蘇武封猶薄崔駰宦不

工

漢書蘇武傳武字子卿以始元六年春至京師詔武奉

一太牢謁武帝園廟拜爲典屬國秩中二千石賜錢二百萬公田二頃宅一區武留匈奴凡十九歲始以彊壯出

及還須髮盡白後漢書崔駰傳崔駰字亭伯涿郡平安人

也實憲擅權驕恣駟為主簿前後奏記數十指切短長憲
 不能容出為長岑長駟自目遠去不得意遂不之官而歸
 漢書汲黯傳黯姊子司馬安亦少與黯為太子
 洗馬安文深巧善宦四至九卿呂河南太守卒
 意欲寄南飛鴻北叟見前劉繪送別詩相
 思將安寄悵望南飛鴻

於易水送人一絕

元和郡縣志河北道易州易縣易水一名故安河出縣西寬中谷燕

太子丹送荆軻易水之上即此水也案易水在今直
 隸易州南東流入保定府界亦名中易

此地別燕丹壯髮上衝冠

水經注易水篇易水又東歷燕之長城又東逕漸離城南蓋太

子丹館高漸離處又東逕武陽城南蓋燕昭王之所城也
 易水又東與濡水合濡水又東南逕樊於期館西濡水又
 東南流逕荆軻館北濡水又東南流于容城縣西北大利
 亭東南合易水而注巨馬水也易水又東逕西故安城南
 即閭鄉城也歷送荆陘北耆舊云燕丹餞荆軻于此因而
 名焉又東逕易縣故城南昔燕文公徙易即此城也閭駟
 稱太子丹遣荆軻刺秦王與賓客知謀者祖道于易水上
 燕丹子稱荆軻入秦太子與知謀者皆素衣冠送之于易

水之上荆軻起為壽歌曰風蕭蕭兮易水寒壯士一去兮
不復還高漸離擊筑宋如意和之為壯聲士髮皆衝冠為
哀聲士皆流涕疑於此也余按遺傳舊跡多在武陽似不
錢此也昔時人已沒今日水猶寒
陶潛詠荆軻詩圖窮事自至豪主正怔營惜哉
劍術疏奇功遂不成其人雖已沒千載有餘情

蓬萊鎮

元和郡縣志河南道登州蓬萊縣本漢黃縣

以爲名在黃縣東北五十里貞觀八年於此置蓬萊
鎮神龍三年析黃縣置蓬萊縣在鎮南一里即今登
州府理是也今山東登州府治蓬萊縣

旅客春心斷邊城夜望高

楚辭宋玉招魂目極千里兮傷春心張正見從軍詩欲知客心

斷危旌野樓疑海氣白鷺似江濤

史記天官書海旁蜃氣象樓臺廣野氣成宮闕

萬里懸王褒詠霧應詔詩帶樓疑海氣

含蓋似浮雲鷺濤見贈高四篇結綬疲三人承冠泣二毛

漢書蕭望之傳蕭朱結綬王貢彈冠許帝京篇初學記服食部漢官儀曰綬者有所承受也所以別尊卑彰有德也

呂忱字林曰綬紱也董巴輿服志曰戰國解去紱佩畱其
絲綦以爲章表秦乃以采組連結於綦光明章表轉相結
綬故謂之綬應璩百一詩問我何功德三入承明廬李善
注璩初爲侍郎又爲常侍又爲侍中故云三入陸機洛陽
記曰吾常怪謁帝承明廬問張公張公云魏明帝在建始
殿朝會皆由承明門然直廬在承明門側潘岳秋興賦斑
鬢影以承弁兮素髮颯以垂頰李善注說文曰白黑髮雜
而影周禮曰士弁服白虎通曰皮弁冠名又序晉十有四
年余春秋三十有二始見二毛注左氏傳宋襄公曰不禽
二毛杜預曰二毛頭白有二色也上官儀爲盧岐州請致
仕表范綬在飾深驚蒲柳之秋衰鬢承冠逾慙仁壽之鏡
本集與博昌父老書曰自解攜襟袖將十五年上齊州張
司馬啓曰西遊梁益東入臨淄此詩有三將飛憐弱羽欲
入二毛之句當是臨海入蜀後再至齊也將飛憐弱羽欲
濟乏輕舠弱羽見在獄詠蟬詩序詩衛風誰謂河廣曾不
書作舠說文賴有陽春曲窮愁且代勞陽春窮愁俱見前
作舠並音刀李百藥渡漢水水詩
客心旣多緒
長歌且代勞

遠使海曲春夜多懷

元和郡縣志河南道密州莒縣漢海曲縣在縣東一百六十里

按漢志琅邪郡東海郡俱有海曲臨海上齊州張司馬啓曰訪康成於北海康成北海高密人所居不其屬琅邪郡唐莒縣屬密州則非東海郡地也詳詩中有遠切魯禽情之句蓋臨海少居兗州故云然也漢海曲故縣在今山東沂州府日照縣

長嘯三春晚端居百慮盈

成公綏嘯賦乃知長嘯之奇妙蓋亦音聲之至極易繫辭下一

致而

未安胡蝶夢遽切魯禽情

蝶夢見思元上人林泉篇莊子外篇達生昔者有鳥

止於魯郊魯君說之爲具太牢以饗之奏九韶以樂之鳥乃始憂悲眩視不敢飲食此之謂以己養鳥也若夫以鳥

養鳥者宜棲之深林浮之江湖食之以委蛇則平陸而已矣

別島連環海離魂斷戍城

環一作寰○隋志音樂志齊文舞辭奄家環海實子流星蒸藜袁翻思歸賦思故人兮不見神翻覆兮魂斷

疑伴使低月似依營

低一作行○晉書天文志流星天使也自上而降曰流自下而升曰飛大

者曰奔奔亦流星也水經注江水篇沔左有卻月城亦曰
偃月壘戴監軍築故曲陵縣也實威出塞曲看雲方結陣
卻月始懷祿甯期達牽時匪徇名大戴禮曾子制言中第
連營位不懷厚祿漢書敘傳懷祿耽寵漸化不祥陸機演連珠
牽乎時者非克己所勗莊子雜篇盜跖小人殉財君子殉
名艱虞行已遠昧迹自相驚

海曲書情

薄遊倦千里勞生負百年謝朓休沐重還道中詩薄遊第
子曰或問賈誼不遇漢文將退耕於野乎薄遊於朝乎史
記司馬相如列傳長卿故倦遊勞生見螢火賦序齊州自
至海曲千里而近以蓬萊鎮結綬疲三入承未能查上漢
冠泣二毛之詩證之已非少年矣故云然也
詎肯劍遊燕查上漢見贈高四詩史記刺客列傳荆軻者
衛人也其先乃齊人徙於衛衛人謂之慶卿
而之燕燕人謂之荆卿荆卿好讀書擊劍既至燕愛燕之
狗屠及善擊筑者高漸離荆軻嗜酒日與狗屠及高漸離

飲於燕市酒酣以往高漸離擊筑荆軻和而歌於市中相樂也已而相泣旁若無人者白雲照春海

青山橫曙天前篇曰旅客春心斷曰長嘯三春晚此詩曰

有白雲照江濤讓雙壁渭水擲三錢史記秦本紀始皇三

春海賦夜過華陰平舒道有人持壁遮使者曰爲我遺滴池君因

言曰今年祖龍死使者問其故因忽不見置其壁去使者

奉璧具以聞始皇默然良久曰山鬼固不過知一歲事也

退言曰祖龍者人之先也使御府視璧乃二十八行渡

江所沈璧也太平御覽地部二十七三輔黃圖曰項仲山

飲馬渭水日與三錢以償之江濤渭水蓋敘思鄉戀闕之

意坐惜風光晚長歌獨塊然謝朓和徐都曹出新亭渚詩

堅初學記樂部古樂府有長歌行莊子內篇應帝王塊然

獨以其形立荀子君道篇塊然獨坐又性惡篇天下不知

之則塊然獨立楊倞注

傀與塊同獨居之貌也

早發淮口回望盱眙

太平寰宇記淮南道楚州山陽縣公路浦淮口也昔袁術向九

各詩每集卷之五二十三

江將奔袁譚路出斯浦因名之舊書地理志淮南道
 楚州盱眙漢縣武德四年置西楚州置總管管東楚
 西楚領盱眙一縣八年廢西楚州以盱眙屬楚州胡
 三省通鑑唐紀十九注盱眙縣漢屬臨淮郡後漢屬
 下邳國晉安帝分置盱眙郡陳置北譙州隋廢為縣
 屬江都郡唐屬楚州案楚州今江蘇淮安府盱眙今
 隸安徽
 泗州

養蒙分四瀆習坎奠三荆

易蒙卦象曰蒙以養正聖功也

故養艮為山震為出坎泉流出故山下出泉蒙虞翻注體頤
 河淮濟為四瀆四瀆者發源注海者也班固白虎通巡狩
 篇瀆者濁也中國垢濁發源東注海其功著大故稱瀆也
 易坎卦象曰水洊至習坎王弼注重險懸絕故水洊至也
 不以坎為隔絕相仍而至習乎坎也水經注淮水篇文穎
 曰史記貨殖傳曰淮以北沛陳汝南南郡為西楚彭城以
 東東海吳廣陵為東楚衡山九江江南豫章長沙為南楚
 是為三楚者也孔穎達詩魯頌正義楚一名荆魏書尔朱
 榮傳仍出魯
 陽歷三荆
 徙帝畱餘地封王義舊城
 史記項羽本紀項
 梁召諸別將會薛

計事乃求楚懷王孫心立以為楚懷王都盱台項梁死懷
王恐從盱台之彭城項梁乃尊懷王為義帝長沙彬縣趣義帝行
霸王漢之元年項王乃使使徙義帝長沙彬縣趣義帝行
乃陰令衡山臨江王擊殺之江中正義盱台反盱以之
反太平寰宇記河南道泗州義帝祠在盱眙縣東一里臺
子山上秦胡亥二年項羽立楚懷王都於此三年徙都彭
城其城故老相傳謂之皇城蓋義帝舊居也漢書平帝紀
元始二年立江都易王孫盱台侯宮為廣川王案江都易
王傳作廣陵王水經注淮水篇淮水逕盱眙縣故城南漢
武帝元朔元年封江都易王子劉蒙之為侯國又東逕廣
陵淮陽城南淮水右岸即淮陰也城西二里有公路浦又
東逕淮陰縣故城北漢高帝六年封韓信為侯國昔漂母
食信於淮陰信王下邳蓋投金增陵以報母矣按岸昏涵
徙帝封王皆盱眙事顏注以封王屬淮陰侯非是岸昏涵
蜃氣潮滿應雞聲蜃氣見前太平御覽羽族部五孫綽望
遠潔原注石雞形似家雞而灰色在海中山上每潮水將
至輒鳴相應若家雞司晨也南人欲知水道往來以至此
為候洲迴連沙淨川虛積溜明何遜望初月詩的的與沙
也

珠山盈川沖劉峻注在山則實在川則虛徐爰華一朝從

林北澗詩總長潭兮括遠源下沈溜今起輕泉

奉檄千里倦懸旌奉檄見前楚策楚王曰寡人心搖搖如

心翩翩如懸旌背流桐柏遠逗浦木蘭輕王粲浮淮賦背渦浦之

靈運會吟行連峯競千仞背流各百里書禹貢導淮自桐

柏孔安國傳桐柏山在南陽之東漢書地理志南陽郡平

氏禹貢桐柏大復山在東南淮水所出東南至淮陵入海

過郡四行三千二百四十里段玉裁曰桐柏大復以四字

為山名禹貢祇云桐柏省言之也今在河南南陽府桐柏

縣西南三十里梁簡文帝予圖納涼詩登山想劍閣逗浦

憶辰陽任昉述異記木蘭舟在潯陽江中多木蘭樹昔吳

王闔閭植木蘭於此用構宮殿也七里洲中有魯班刻木

蘭為舟舟至今在洲中小山迷隱路大塊切勞生王逸楚

辭招隱

詩家云木蘭舟出於此

士章句招隱士者淮南小山之所作也昔淮南王安博雅

好古招懷天下俊偉之士自八公之徒咸慕其德而歸其

仁各竭才智著作篇章分造辭賦以類相從故或稱小山

或謂大山其義猶詩有小雅大雅也小山之徒閔傷屈原

又怪其文昇天乘雲役使百神似若仙者雖身沈沒名德顯聞與隱處山澤無異故作招隱士之賦以章其志也高誘淮南鴻烈解序淮南王為辯達善屬文於是遂與蘇飛李尚左吳田由雷被毛被伍被晉昌等八人及諸儒大山小山之徒共講論道德總統仁義而著此書是則小山大山原有其人近多望文引用非是顧炎武日知錄曰梁昭明太子十二月啓桂吐花於小山之上梨翻葉於大谷之中庾肩吾詩梨紅大谷晚桂白小山秋庾信枯樹賦小山則叢桂畱人扶風則長松繫馬以山爲山谷之山失其旨矣大塊見前惟有貞心在獨映寒潭清何邵遊仙詩吉士懷貞心悟物思遠託謝靈運九日從宋公戲馬臺集送孔令詩淒淒陽卉腓皎皎寒潭

久客臨海有懷

李吉甫元和郡縣志江南道台州臨海縣本漢回浦縣地後漢更名章安

吳分章安置臨海縣屬會稽武德五年改置台州縣屬焉

天涯非日觀地出望星樓

天涯見從軍中行路難日觀見贈高四篇左思吳都賦貢稼山

嶽之岳劉逵注許氏記字曰岳陳隅如山之節也善曰岳
 音節王勃七夕賦於是光清地岳氣斂天標星樓見前
 練光搖亂馬劍氣上連牛王充論衡書虛篇傳書或言顏
 南望吳閭門外有繫白馬引顏淵指以示之曰若見吳閭
 門乎顏淵曰見之孔子曰門外何有曰有如擊練之狀孔
 子撫其目而止之因與俱下下而顏淵髮白齒落遂以病
 死劍氣用習書張華傳吳有劍氣上徹斗牛事案吳地斗
 分野故曰草溼姑蘇夕葉下洞庭秋史記淮南衛山列傳
 連牛也草溼姑蘇夕葉下洞庭秋
 謀被懷然曰臣聞子胥諫吳王吳王不用乃曰臣今見麋
 鹿游姑蘇之臺今臣亦見宮中生荆棘露霑衣也楚辭九
 歌湘夫人嫋嫋兮秋欲知悽斷意江上步安流步一作涉
 風洞庭波兮木葉下吳均蘭
 怨詩胡笳屢悽斷元和郡縣志臨海江有二水合成一水
 一自始風溪一自樂步溪至州城西北一十三里合九歌
 湘君使江
 水兮安流

在軍登城樓

城上風威冷江中水氣寒

鮑照蕪城賦稜稜霜氣蔌蔌風威又歌曰邊風急兮城上寒盧

思道祭灤湖水氣朝合天雲夜同申之苦霧繼以嚴風江總秋日侍宴婁苑湖應詔詩野淨重陰潤淮秋水氣涼

戎衣何日定歌舞入長安

書武成一戎衣天下大定尚書大傳周傳惟丙午王還師前師

乃鼓鼗躁師乃惜前歌後舞北齊祖挺從北征詩方繫單于頸歌舞入長安案臨海從軍二次一塞外一姚州詳味

詩中情景俱不似攷舊書則天紀嗣聖元年九月徐敬業據揚州起兵則此詩當在懷慶軍中作也

夕次舊吳

元和郡縣志江南道蘇州周時為吳國太伯初置城在今吳縣西北五十里至闔盧

遷都於此秦置會稽郡二十六縣於吳漢亦為會稽郡後漢順帝永建四年陽羨令周喜山陰令殷重上

書求分為二郡遂割浙江以東為會稽浙江以西為吳郡孫氏創業亦肇迹於此歷晉至陳與吳興丹陽

號為三吳隋開皇九年平陳改為蘇州因姑蘇山為名山在州西四十里其上闔廬起臺外郭城云是任

晉所築周迴四十七里

維舟背楚服振策下吳畿

詩小雅汎汎楊舟緇纒維之爾雅釋水緇也郭璞注

綏繫邢昺疏李巡云赫竹爲索所以維持舟者郭云綏繫

孫炎云舟止繫之於樹木戾竹爲大索然則緇訓爲赫赫

是緇緒訓爲綏綏又爲繫正謂舟之止息以緇繫而維持

之也蕭子顯南齊書劉懷珍傳懷珍謂僚佐曰攸之矜躁

夙著虐加楚服陸機赴洛道中作振策陟崇邱安轡遵平

莽李善注吳都賦曰吳都者蘇州是也後漢末孫權乃都

於建業盛德宏三讓雄圖抗九圍黃池通霸業赤壁暢戎

威而王季歷之兄也季歷賢而有聖子昌太王欲立季歷

以及昌於是太伯仲雍二人乃奔荆蠻文身斷髮示不可

用以避季歷季歷果立是爲王季而昌爲文王太伯之奔

荆蠻自號勾吳荆蠻義之從而歸之千餘家立爲吳太伯

太史公曰孔子言太伯可謂至德矣三以天下讓民無得

而稱焉裴駰集解韋昭曰後武王追封爲吳伯故曰吳太

伯宋忠曰勾吳太伯始所居地名張守節正義江熙曰太

伯少弟季歷生文王昌有聖德太伯知其必有天下故欲

得國於季歷以太王病託採藥於吳越不反太王薨而季

歷

歷立一讓也季歷薨而文王立二讓也文王薨而武王立
遂有天下三讓也又釋云太王病託採藥生不事之以禮
一讓也太王薨而不反使季歷主喪不葬之以禮二讓也
斷髮文身示不可用使季歷主祭祀不祭之以禮三讓也
邢昺論語疏鄭氏註云太王病太伯因適吳越採藥大王
歿而不反季歷爲喪主一讓也季歷赴之不來奔喪二讓
也免喪之後遂斷髮文身三讓也詩商頌帝命式于九圉
毛亨傳九圉九州也孔穎達疏蓋以九分天下各爲九處
規固然故謂之九圉也春秋哀公十三年公會晉侯及吳
子于黃池杜預注陳畱封丘縣南有黃亭近濟水夫差欲
霸中國尊天子自去其僭號而稱子以告令諸侯故史使
而書之陳壽吳志周瑜傳劉備遣諸葛亮詣權權遂遣瑜
及程普等與備并力逆曹公遇於赤壁瑜部將黃蓋乃取
蒙衝鬪艦數十艘實以薪草膏油灌其中裏以帷幕上建
牙旗先書報曹公欺以欲降又豫備走舸各繫大船後因
引次俱前曹公軍吏士皆延頸觀望指言蓋降蓋放諸船
同時發火時風盛猛悉延燒岸上營落頃之烟炎漲天人
馬燒溺死者甚衆軍遂敗退還保南郡元和郡縣志江南
道鄂州蒲圻縣赤壁山在縣西一百二十里其北岸卽烏
林與赤壁相對卽周瑜用黃蓋策焚曹公舟船敗走處漢
洛嘉每表

書終軍傳軍上對曰大將軍秉鉞單于犇幕票騎抗旌文
昆邪右社是澤南洽而威北暢也注師古曰暢達也

物俄遷謝英靈有盛衰行嘆鴟夷沒遽惜湛盧飛地古烟

塵暗年深館宇稀山川四望是人事一朝非謝靈運撰征

遷謝託此不朽繁欽雜詩世俗有險易時運有盛衰史記

伍子胥列傳吳王信用豁之計乃使使賜伍子胥屬鏤之

劍日子以此死伍子胥乃告其舍人曰必樹吾墓上以梓

合可以爲器而抉吾眼懸吳東門之上以觀越寇之入滅

吳也乃自到死吳王聞之大怒乃取子胥尸盛以鴟夷革

浮之江中吳人憐之爲立祠於江上因命曰胥山裴駟集

解應卽曰取馬革爲鴟夷槥形湛盧見螢火賦晉書

劉毅傳時東北風急義軍放火烟塵張天鼓譟之音震駭

京邑後漢書郭躬傳下邳趙興每入官舍輒更繕修館宇

李百藥和許侍郎遊昆明池詩年深平館宇道泰偃戈船

魏文帝與朝歌令吳質懸劍空畱信亡珠尙識機鄭風遙

可託闌月耿難依史記吳世家季札之初使北過徐君徐

君好季札劍口弗敢言季札心知之爲

使上國未獻還至徐徐君已死於是乃解其實劍繫之徐
君冢樹而去從者曰徐君已死尚誰予乎季子曰不然始
吾心已許之豈以死倍吾心哉張守節正義括地志云徐
君廟在泗州徐城縣西南一里卽延陵季子掛劍之徐君
也韓非子說林上子胥出走邊侯得之子胥曰上索我者
以我有美珠也今我已亡之矣我且曰子取吞之候因釋
之水經注漸江水邪溪之東又有寒溪溪之北有鄭公泉
泉方數丈冬溫夏涼漢太尉鄭宏宿居潭側因以名泉宏
少以苦節自居恒躬采伐用質糧膳每出入溪津常感神
風送之雖憑舟自運無杖楫之勞村人貪藉風勢常依隨
往還有淹留者徒輩相謂汝不欲及鄭風耶其感致如此太
平御覽人事部三十九會稽先賢傳曰吳侍中闕澤字德
潤山陰人也在母胎八月而叱聲震外年西北雲逾滯東
十三夜夢名字炳然縣在月後遂昇進也

南氣轉微徒懷伯通隱多謝買臣歸惟有荒臺露薄暮溼

征衣

雲滯見秋雲詩吳志趙達傳裴松之注孫盛曰達知

東南當有王氣故輕舉濟江後漢書逸民傳梁鴻字

伯鸞扶風平陵人也因東出關過京師作五噫之歌肅宗

聞而非之求鴻不得乃易姓運期名耀字侯光與妻子居

齊魯之閒有頃又去適吳依大家臯伯通居廡下爲人賃
春每歸妻爲具食不敢於鴻前仰視舉案齊眉伯通察而
異之曰彼傭能使其妻敬之如此非凡人也乃方舍之於
家漢書朱買臣傳買臣與嚴助俱侍中坐事免久之召待
詔是時東越數反覆上拜買臣會稽太守上謂買臣曰富
貴不歸故鄉如衣繡夜行今子何如買臣頓首辭謝初買
臣免待詔常從會稽守邸者寄居飯食拜爲太守長安廐
吏乘駟馬車來迎買臣遂乘傳去會稽聞太守且至發民
除道縣吏並送迎車百餘乘悉召見故人與飲食諸嘗有
恩者皆報復焉范成大吳郡志牧守門前漢朱買臣爲會
稽太守治吳荒臺露兒秋露詩案此詩當爲臨海亡命後所
作首二句言自楚至吳盛德四句言吳地昔人曾爲霸王
之資文物二句言匡復之無成鴟夷句指敬業也湛盧句
言唐祚中傾地古二句言無人再伸大義山川二句言控
引江淮地非不勝而人謀未善懸劍句傷敬業之沒也亡
陳句言已之潛迹脫逃也鄭風二句言隱匿得免而變姓
名以遁也西北二句言舉事不就行蹤飄泊而坐視金陵
之王氣不能再復也徒懷二句言僅如梁鴻之逸而有謝
安買臣之遇末二句言唐變
爲周馥然亦離麥秀之感

過故宋

漢書地理志梁國睢陽故宋國所封盟諸澤在東北李吉甫元和郡縣志河南道三宋州

宋城縣漢睢陽縣屬宋國後屬梁國後魏屬梁郡隋開皇三年罷梁郡以縣屬亳州十六年於此置宋州睢陽屬焉十八年改為宋城州城古闕伯之墟契孫相土亦都於此春秋為宋國都漢梁孝王廣睢陽城七十里開汴河後汴水經州城南

舊國千年盡荒城四望通

樂史太平寰宇記河南道宋州禹貢豫州之域周為青州之域

武王封微子於宋秦併天下改為碭郡自漢至晉為梁國宋改為梁郡有通濟渠水陸並通雲浮非隱

帝日舉類遊童

史記高祖紀高祖亡匿隱於芒碭山澤巖石之閒呂后與人俱求常得之高祖怪問

之呂后曰季所居上常有雲氣故從往常得季高祖心喜沛中子弟或聞之多欲附者矣裴駢集解徐廣曰芒今臨

淮縣也碭縣在梁駟按應邵曰二縣之界有山澤之固故隱於其閒也張守節正義宋州碭山縣在州東一百五十

里本漢碭陽縣也碭山在縣東顏師古曰京房易兆候云何以知賢人隱四方常有大雲五色具而不雨其下有賢

人隱矣故呂后望雲氣而得之莊子雜篇徐無鬼黃帝將
見大隗乎具茨之山至於襄城之野七聖皆迷無所問塗
適遇牧馬童子問塗焉黃帝曰異哉小童非徒知具茨之
山又知大隗之所存請問爲天下小童曰夫爲天下者亦
若此而已矣又奚事焉予少而自遊於六合之內予適有
瞽病有長者教予曰若乘日之車而遊於襄城之野今予
病少痊予又且復遊於六合之外夫爲天下者亦若此而已
予又奚事焉黃帝又問小童曰夫爲天下者亦奚以異乎
牧馬者哉亦去其害馬者而已矣黃帝再拜稽首稱天師
而退郭象注日出而遊日入而息陸德明音義具茨司馬
云在滎陽密陽東今名泰隗山乘日之綺琴朝化洽祥石
車司馬云以日爲車也元嘉本車作居綺琴朝化洽祥石
夜論空沈約宋書樂志相如曰焦尾伯喈傳曰綠綺事出傳
氏言之則非伯喈也徐堅初學記樂部梁元帝纂要曰綠
綺司馬相如琴化洽用單父鳴琴事見錢鄭安陽入蜀詩
元和郡縣志河南道宋州單父縣古魯邑也貞觀十七年
隸宋州左氏傳僖公十六年春隕石於宋五隕星也六鶴
退飛過宋都風也周內史叔興聘於宋宋襄公問焉曰是
何祥也吉凶焉在對曰今茲魯多大喪明年齊有亂君將

得諸侯而不終退而告人曰君失問是陰陽之事非吉凶
所生也吉凶由人吾不敢逆君故也杜預注但言星則嫌
星使石隕故重言隕星孔穎達正義古今之說星隕至也
皆言爲石經書在地之驗故言隕石傳本在天之時故言
隕星不知星之在上其形本是石也爲當旣隕始變爲石
元和郡縣志河南道宋州宋城縣隕石水源出縣北四十
里春秋時隕石於宋其處爲潭左傳昭公八年春石言於
晉魏榆晉侯問於師曠曰石何故言對曰石不能言或馮
焉此暗馬去遙奔鄭蛇分近帶豐左傳宣公二年春公子
用其事馬去遙奔鄭蛇分近帶豐歸生受命於楚伐宋宋
華元樂呂御之二月壬子戰於大棘宋師敗績囚華元獲
樂呂宋人以兵車百乘文馬百駟以贖華元於鄭半入華
元逃歸立於門外告而入見叔牂曰子之馬然也對曰非
馬也其人也既合而來奔史記高祖紀高祖以亭長爲縣
送徒酈山徒多道亡自度比至皆亡之到豐西澤中止飲
夜乃解縱所送徒曰公等皆去吾亦從此逝矣徒中壯士
願從者十餘人高祖被酒夜徑澤中令一人行前行前者
還報曰前有大蛇當徑願還高祖醉曰壯士行何畏乃前
拔劍擊斬蛇蛇分爲兩徑開行數里醉因臥後人來至蛇
所有一老姬夜哭人問何哭姬曰人殺吾子故哭之人曰

姬子何為見殺姬曰吾子白帝子也化為蛇當道今為赤
帝子斬之故哭人乃以姬為不誠欲笞之姬因忽不見司
馬貞索隱漢舊儀斬蛇劍長七尺張守節正義括地志云
斬蛇溝源出徐州豐縣中平地故老云高祖斬蛇處至縣
西十五里入泡水也樂史太平寰宇記河
南道宋州東至徐州西界二百一十里 池文斂束水竹

影漏寒叢園兔承行月川烏避斷風 太平寰宇記河南道
宋州宋城縣清冷池

在縣東北二里梁孝王故宮有釣臺謂之清冷臺今號清
冷池又脩竹園在縣東南十里西京記梁孝王好宮室園
囿之樂作曜華宮築兔園園中有白靈山落猿巖栖龍岫
又有雁池池中有鶴洲鳧渚顏注束水東帶之水也沈約
八詠經衰園映寒叢鄺道元水經注睢水又東逕睢陽縣
故城南城內有高臺甚秀廣巍然介立超焉獨上謂之蠡
臺亦曰升臺焉蠡臺如西又有一臺俗謂之女郎臺臺之
西北城中有涼馬臺臺中有曲池池北列兩釣臺水周六
七百步蠡臺直東又有一臺世謂之雀臺也城內東西道
北有晉梁王如王氏陵表竝列二碑太康九年立碑東即
梁王之吹臺也水列釣臺池東又有一臺世謂之清冷臺
北城憑隅又結一池臺晉灼曰或說平臺在城中東北角

亦或言兔園在平臺側如淳曰平臺離宮所在今城東二
十里_{有臺寬廣而不甚極高是知平臺不在城中也}睢水
於城之陽積而爲逢洪陂陂之西南有陂又東合明水水
上承城南大池池周千步南流會睢謂之明水絕睢注渙
睢水又東南流厯於竹園水次綠竹蔭渚菁菁實望人言
梁王竹園也睢水又東逕穀熟縣故城北又東逕栗縣故
城北又東逕太丘縣故城北又東逕芒縣故城北縣北與
碭縣分水有碭山芒碭二縣之閒山澤深固多懷神智高
祖隱之呂后望氣知之卽於是處也睢水又東逕相縣故
城南宋共公之所都也睢水又左合白溝水又東逕彭城
郡之靈壁東又東南逕竹縣故城南又東與澤湖水合又
東逕符離縣故城北又東逕臨淮郡之取慮縣故城北又
東合烏慈水水出縣西南烏慈渚潭漲東北流與長直故
瀆合瀆舊上承蘄水北流入十五里注烏慈水烏慈水又
東逕取慮縣南又東屈逕其城東而北流注於睢楚辭天
問夜光何德死則又育厥利維何而願兔在腹歐陽詢藝
文類聚天部述征記曰長安宮南有靈臺
有相風銅鳥或云此鳥遇千里風乃動

梁事未工惟當過周客獨愧吳臺空

史記梁孝王世家梁孝王武者孝文皇帝

子也而與孝景帝同母母竇太后也梁最親有功又為大國居天下膏腴地招延四方豪傑自山以東游說之士莫不畢至齊人羊勝公孫詭鄒陽之屬公孫詭多奇邪計上廢栗太子竇太后心欲以孝王為後嗣大臣及袁盎等有所闕說於景帝竇太后議格上立膠東王為太子梁王怨袁盎及議臣乃與羊勝公孫詭之屬陰使人刺殺袁盎及他議臣十餘人於是天子意梁王逐賊果梁使之乃遣使冠蓋相望於道覆按梁捕公孫詭羊勝王乃命勝詭皆自殺詩序黍離閔宗周也周大夫行役至于宗周過故宗廟宮室盡為禾黍閔周室之顛覆彷徨不忍去而作是詩吳臺見秋露詩注案此四句與夕次舊吳詩意畧同殆亡命後作也

詠懷 臨海少年落魄薄宦沈淪始以貢疏被愆繼因草檄亡命播遷陵谷晦匿姓名狙擊一朝鴻冥

萬古此篇敘述生平徘徊歲晚悲憤無聊之概長歌當哭之鬱信遁逃後所作胡元瑞謂作於廣陵起義之前非也

少年識事淺不知交道難一言芬若桂四海臭如蘭

四句言少

年淺於識事未能擇交一言投分四海知心如敬業輩所託非人舉事不終追悔而無自也後漢書王丹傳丹曰交道之難未易言也世稱管鮑次則王賁張陳凶其終蕭朱隙其未故知全之者鮮矣陸機贈馮文熊遷斥邱合詩人亦有言交道實難沈約齊故安陸昭王碑文蘭桂有芬寶清暉白遠臭如蘭見靈泉頌上句言芬若桂就對也

劍思存楚金椎許報韓

二句言志在匡復越絕書外傳記寶劍楚王召風胡子而問之曰寡

人間吳有干將越有歐冶子此二子甲世而生天下未嘗有寡人願齋邦之重寶皆以奉子因吳王請此二人作鐵劍可乎風胡子曰善於是乃令風胡子的吳見歐冶子干將鑿茨山洩其溪取鐵英作爲鐵劍三枚一曰龍淵二曰太阿三曰工市畢成風胡子奏之楚王晉鄭聞而求之不得興師圍楚之城三年不解於是楚王聞之引太阿之劍登城而麾之三軍破敗士卒迷惑流血千里晉鄭之頭畢白史記伍子胥列傳始伍員與申包胥爲交員之亡也謂包胥曰我必覆楚包胥曰我必存之崔緄達旨魯連辨言以退燕包胥單辭而存楚史記畱侯世家畱侯張良者其先韓人也大父開地相韓昭侯宣惠王襄哀王父平相釐王悼惠王悼惠王二十三年卒卒二十歲秦滅韓良年

少未宦事韓韓破良家僮三百人弟死不葬悉以家財求
客刺秦王爲韓報仇以大父父五世相韓故良嘗學禮淮
陽東見倉海君得力士爲鐵椎重百二十斤秦皇帝東遊
良與客俱擊秦皇帝博浪沙中誤中副車秦皇帝大怒大
索天下求賊甚急爲張良故也水經注渠水清溝水又東
北逕沈清亭疑卽博浪亭也服虔曰博浪陽武南地名也
今有亭所未詳也歷博浪澤昔張良爲韓報仇于秦以金
椎擊秦始皇不中中其副車于此唐釋元應大般涅槃經
音義蒼頡篇椎打物也案說虛心徒有託循迹諒無端言
文鐵爲黑金故名金椎也從敬業之心徒託於反正之義而世反循以作亂之迹欲
表白而未由也漢光武賜竇融璽書威德流聞虛心相望
道路隔塞邑邑何已淮南子說山訓故循迹者非能生迹
者也高誘注循隨也魏志倉慈傳裴松之注魏畧曰王遷
承代慈雖循其迹不能及也孫子兵勢第太息關山險吁
五奇正相生如循環之無端孰能窮之哉
嗟歲月闌無人歲月如流義兵不再可爲痛恨忘機殊
會俗守拙異懷安上句謂亡命後雖時事隔絕異世俗之
蒲伏北朝下句見事無可爲並非苟全

性命也莊子外篇天地功利機巧必忘夫人之心陶潛歸
田園居詩守拙歸田園左傳襄公十七年子庚嘆曰君王
其謂午懷安乎阮籍空長嘯劉琨獨未歡新書則天本紀
吾以利社稷也戊午廢皇帝為廬陵王己未立豫王旦為皇帝甲子皇帝
率羣臣上尊號於武成殿此言當時有名位者俱不免如
嗣宗之勸進無人以唐室為心下句言己之討亂遠漬如
越石之志復晉室卒無成而幽憤也晉書阮籍傳阮籍字
嗣宗陳留尉氏人也父瑀魏丞相掾宣帝為太傅命籍為
從事中郎及帝崩復為景帝大司馬從事中郎高貴鄉公
卽位封關內侯徙散騎常侍及文帝輔政引為大將軍從
事中郎會帝讓九錫公卿將勸進使籍為其辭籍沈醉忘
作臨詣府使取之見籍方據按醉眠使者以告籍便書案
使寫之無所改竄辭甚清壯籍嘗於蘇門山遇孫登與商
畧終古及栖神道氣之術登皆不應籍因長嘯而退至半
嶺聞有聲若鸞鳳之音響乎巖谷乃登之嘯也又劉琨傳
劉琨字越石中山魏昌人永嘉元年為并州刺史愍帝卽
位拜大將軍都督并冀幽三州諸軍事幽州刺史鮮卑段
匹碑與琨結婚約為兄弟是時西都不守元帝稱制江左
琨乃令長史溫嶠勸進轉琨為侍中太尉匹碑奔其兄喪

琨遣世子羣送之羣爲末波所得共結盟而襲匹碑密遣
使齎書請琨爲內應而爲匹碑邏騎所得時琨別屯故征
北府小城不之知也因來見匹碑匹碑遂畱琨初琨之去
晉陽也冀輪寫至誠僥倖萬一斯謀未果竟爲匹碑所拘
自知必死爲五言詩贈其別駕盧諶託意非常據暢幽憤
會王敦密使匹碑殺琨匹碑遂縊之子姪四人俱被害劉
琨答盧諶書自頃譙張困於逆亂國破家亡親友凋殘塊
然獨處則愧憤雲集負杖行吟則百憂俱至時復相與舉
觴對膝破涕爲笑排終身之積慘求數刻之暫十步庭芳
歡譬由疾疢彌年而欲以一丸銷之其可得乎
斂三秋隴月團槐疎非盡意松晚故凌寒故一作夜口槐
遲暮而變其節十步見秋菊詩陳江總雜曲關山隴月春
雪深誰見人啼花照戶槐疎用殷仲文事見詠蟬詩序庚
信預麟趾毀校書和劉儀同悲調絃中急窮愁醉裏寬二
詩壁池寒水落學市舊槐疎
嘆已之悲愁古詩音響一何悲絃急知柱促陸機猛虎行
急絃無懦響亮節難爲音李善注侯瑾爭賦急絃促柱變
調改曲蘇子卿南征詩故莫將流水引空向俗人彈結言
鄉夢中近邊愁酒上寬

獨抱難遇知音讀者可以悲其志矣

靈隱寺

樂史太平寰宇記江南東道杭州錢塘縣靈隱山在縣西十五里本號稽留山今立寺焉

王十朋注蘇詩曰晏殊輿地志晉咸和元年西天僧慧理歎曰此是中天竺國靈鷲之小嶺不知何年飛來佛在世日多為仙靈之所隱今此亦復爾耶因挂錫造靈隱寺號飛來峯

鷺嶺鬱岩堯龍宮鎖寂寥

鷺嶺龍宮見陀山寺詩

樓觀滄海日門聽

浙江潮

聽一作對。鄞道元水經注漸江水浙江又東逕靈隱山在四山之中有高湍洞穴左右有石室

三所又有孤石壁立大三十圍其上開散狀如蓮花山下有錢唐故縣錢唐記曰防海大塘在縣東一里許水流於

兩山之間江川急濬兼濤水晝夜再來應時刻常以月晦及望尤大至二月入月最高峨峨二丈有餘吳越春秋

以為子胥文種之神也昔子胥亮於吳而浮尸於江吳人憐之立祠於江上名曰胥山吳錄云胥山在太湖邊去江

不百里故曰江上文種誠於越而伏劍於山陰越人哀之葬於重山文種既葬一年子胥從海上負種俱去游夫江海

各品解長

卷之五

三十四

故潮水之前揚波者伍子胥後重者大夫種是以枚乘曰桂
濤無記焉然海水上溯江水逆流似神而非於是處焉桂
子月中落天香雲外飄勝天王般若波羅蜜平等品第六
懸金鈴日夜六時諸天空中散衆天香及天妙華封演聞
見記垂拱四年三月桂子降於台州臨海縣界十餘日乃
止司馬蓋詵安撫使狄仁傑以聞月中云有蟾蜍玉兔并
桂樹相傳如此自昔未有親見之者日月麗天各有領域
豈瀕洞無底而有桂子漏乎况天與地相去極遠桂子小
物從空而下飛揚縈轉無所不之叢爾台州何爲獨有或
者台嶺與嶺南接山多桂樹桂子多因風而至有若從天
而來時人不加詳考謂之月桂郭景純云桂樹葉似杞大
白葉而不著子據此則桂樹無子台州所見其他物乎宋
之問台州作詩云桂子月中落天竺山香雲外飄文士尙奇非
事實也王十朋注蘇詩曰天竺山昔有楚僧云此山自天
竺鷺山飛來八月十五夜嘗有桂子落咸淳臨安志靈隱
有月桂峯相傳月中桂子嘗墮此峯生成大樹其花白其
色丹水經注河水外國事曰迦維羅越國有優婆塞姓釋
可二十餘家是昔淨王之苗裔太子未出家前十日出往
王田閭浮樹下坐樹神以七寶奉太子太子不受於是思

惟欲出家也王田去宮一據據者晉言十里也太子以三
月十五日夜出家四天王來迎各捧馬足爾時諸神天人
側塞空中散天香花庾信奉和梁簡文帝同泰寺浮圖詩
天香下桂殿仙梵入伊笙案詩以天香對桂子則天香係
指天界之香非以桂子爲天香也讀史方輿紀要杭州靈
隱寺山府西十二里本名武林山相傳漢時錢塘縣蓋治
於此晉咸和中改今名有靈隱寺山之西北一峯捫蘿登
直上曰北高峯爲靈隱最高處頂舊有七級浮圖捫蘿登
塔遠剝木取泉遙傑陟境便見史記云秦始皇登之以望
海自平地以取山頂七里懸墜孤危徑路險絕記云扳蘿
捫葛然後能升山上無甚高木當由地迴多風所致塔見
題七級詩易繫辭剝木爲舟徐光啓農政全書水利灌溉
圖諸閒有聚落去水既遠各家共力造木爲槽遞相嵌接
不限高下引水而至於泉源頗高水性趨下則易引也讀
史方輿紀要浙江杭州府宋志西湖出武林山武林泉今
南北諸泉澗皆滙於西湖蓋霜薄花更發冰輕葉未凋夙
湖上羣山靈隱實爲雄長矣

齡尙遐異搜對滌煩囂待人天台路看余度石橋

未一作互○沈

約早發定山詩夙齡愛遠壑晚泄見名山顧祖禹讀史方輿紀要浙江台州府天台縣天台山在縣北三里一名桐柏山亦名大小台山以石橋大小得名道書大小台當五縣中央五縣謂餘姚奉化臨海天台嵎縣也山經天台超然秀出人山者路由福溪水險而清前有石梁下臨絕壑途梁而上攀藤梯壁始得平路其詭異奇秀非記載所能盡也

稱心寺

征帆恣遠尋逶迤過稱心庾信應令詩路塵猶向水征帆獨背關陸機猛虎行整駕肅時命杖策將遠尋說文二篇彖部三十三逶迤衰去貌王粲登樓賦路逶迤而修迥今川旣漾而濟深李善注逶迤長貌也凝滯蘅蒹岸汧澗楸林楚辭九章涉江船容與而不進兮淹回水而凝滯離騷經畦留夷與揭車兮雜杜蘅與芳芷又旣替余以蕙纓兮又申之以攬茝廣韻蘅杜蘅香草大者曰杜若也爾雅曰杜衡似葵而香字不從艸說文一篇草部十二楚謂之薜晉謂之薜齊謂之茝又十一篇水部四百十公綠水而下也逆

流而上曰滂沱山海經中山經洞庭之山其木多粗梨橘
檮莊子外篇天運故譬三皇五帝之禮義法度其猶粗梨
檮拙邪其味相反而皆可於口說文六篇木部二百六穿
抽似橙而酢余救切植果似梨而酢側加切植與粗同穿
淑不厭曲熾潭惟愛深楚辭九章涉江入淑浦余儵何兮
顧野王玉篇水部第二百八十五淑浦也顏延之祭屈原
文弭節羅潭熾舟江渚李善注漢書曰烏江亭長艤船待
如淳曰南方人謂爲樂凡幾許聽取舟中琴古詩十九首
整船向岸曰艤爲樂凡幾許聽取舟中琴河漢清且淺
相去復幾許晉書文苑傳張翰有清才善屬文而縱任不
拘時人號爲江東步兵會稽賀循赴命入洛經吳閭門於
船中彈琴翰初不相識乃就循言譚便大相欽悅問循知
其入洛便同載卽去按此詩見宋之問集今據全唐詩補
入

秋日仙遊觀贈道士

石圖分帝宇銀牒洞靈宮

杜篤論都賦乃廓平帝宇濟蒸人於塗炭成兆庶之臺臺遂興

復乎大漢說文七篇片
部二百四十九牒札也
回丹縈岫室複翠上巖櫳說文六篇木部

二百六葉房室
之疏也櫳檻也
霧濃金竈靜雲暗玉壇空劉刪採藥遊名山詩石牀新溜

乳金竈欲成丹陳叔達大唐宗聖觀銘玉
京畱記金竈還魂揚塵東海問道西崑
野花常捧露山

葉自吟風江總侍宴瑤泉殿詩野花不識采旅竹本無聲祖孫登詠風詩帶葉俱吟樹將花共舞空林

泉明月在詩酒古人同魏收魏書逸士傳馮亮至洛隱居嵩高既雅爰山水又兼巧思結架

巖林甚得栖遊之適世祖給其工力令與沙門統僧暹河
南尹甄琛等周視嵩形勝之處遂造閑居佛寺林泉既奇

營製又美曲盡山居之妙李延壽南史袁粲傳獨步園林
詩酒自適梁元帝金樓子戒子篇抑揚於詩酒之際吟詠

於嘯傲
待余逢石髓從爾命飛鴻晉書嵇康傳康嘗採藥山澤會其得意忽焉忘

反時有樵蘇者遇之咸謂神康又遇王烈共入山烈嘗得
石髓如飴即自服半餘半與康皆凝而爲石郭璞遊仙詩

鴛鴻乘紫烟沈約遊沈道士館詩朋友握石髓賓至駕輕
爲案此詩見王子安集全唐詩注云一作駱賓王無首卽